

四庫全書

史部

欽定四庫全書

欽定日下舊聞考卷二

世紀一

臣等謹按朱彝尊原書世紀一門徵引頗為該博而次序間有淆錯謹詳加釐訂各按時代以類編次其雜引註說詩文各依類附列于下原書義有未盡者則為旁採他書備考焉

原軒轅教熊羆貔貅驅虎以與炎帝戰於阪泉之野蚩

尤不用帝命

史記五帝本紀

增黃帝乃徵師諸侯與蚩尤戰於涿鹿之野遂擒殺蚩

尤而諸侯咸尊軒轅為天子代神農氏

同上

原黃帝與蚩尤戰於涿鹿之野蚩尤作大霧兵士皆迷於是作指南車以示四方遂擒蚩尤而即帝位故後常

建焉

古今注

原黃帝氏平蚩尤因大霧作指南車飾以文玉其文作蚩尤形車飾以黍尺度高一尺四寸二分下長七寸四

分管立木口圓徑三寸四分琢玉為人形手常指南足底

通圓竅作旋轉軸踏于蚩尤之上

古玉圖考

原黃帝用車戰蚩尤用騎戰蚩尤作霧黃帝作指南車

廣博物志

原黃帝執蚩尤殺之于中冀名之曰絕轡之野

汲冢周書

原蚩尤庶人之貪者也 大戴禮記

原涿鹿竿人頽也 尚書刑德考

原帝既殺蚩尤因立臺榭

黃帝內傳

原李白北風行燭龍棲寒門光曜猶旦開日月照之何不及此惟有北風號怒天上來燕山雪花大如席片片

吹落軒轅臺 李翰林集

補蚩尤兄弟八十一人並獸身人語銅頭鐵額食砂石

子造五兵仗刀戟大弩威振天下 龍魚河圖

補葛盧之山發而出水金從之蚩尤受而制之以為劍

鏡才戟是歲相煎者諸侯九雍狐之山發而出水金從之蚩尤受而制之以為雍狐之戰為戈是歲相煎者諸

侯十二 管子

補蚩尤作亂逐帝而居於涿鹿帝參盧弗能征乃帥諸

侯委命于有熊于是暨力牧神皇風后鄧伯溫之徒厲

兵稱旅熊羆貔貅以為前行鳴鷗雁鷓以為旂幟及尤

噉兵涿鹿之山 路史

補九黎之君號曰蚩尤 孔氏尚書傳

補蚩尤天符之神狀類不常三代遺器多著其象漢孔

氏謂是九黎之君考黃帝滅蚩尤于涿鹿之野乃在北

鄙九黎三苗皆南蠻蚩尤九黎非一種也 說略

補畫本以飛獸有肉翅者謂之蚩尤 古器圖

補蚩尤氏頭有角與黃帝鬪以角觝人今冀州有樂名
蚩尤戲其民兩兩戴牛角而相觝 樂書

補炎帝者黃帝同母異父兄弟也各有天下之半黃帝
行道而炎帝不聽故戰于涿鹿之野 新書

補黃帝與炎帝爭鬪涿鹿之野將戰筮于巫咸巫咸曰
米哉而有咎 邱藏

補蚩尤炎帝之後銅頭鐵石飛空走險以犴牛皮為鼓
九擊而止之尤不能飛走遂殺之 廣成子傳

補帝代蚩尤元女為帝製夔牛鼓八十面一震五百里
連震三千八百里又為帝製司南車當其前記里鼓車

居其右 黃帝內傳
補帝令風后法斗機作指南車 志林

補黃帝出師涿鹿以柶鼓為警衛具曲有十一曰震雷
鷲二曰猛虎駭三曰鷲鳥擊四曰龍媒蹠五曰靈夔吼六

曰鵬鷄爭七曰壯士奪志八曰熊羆哮啞九曰石盪崖
十曰波盪壑並皆有辭今亡考矣 雲笈七籤

補蚩尤帥蚩蚩與黃帝戰于涿鹿帝命吹角為龍吟以禦之通禮義纂

補蚩尤氏強與榆罔爭王於涿鹿之阿黃帝使力牧神皇直討蚩尤氏擒于涿鹿之野使應龍殺之于凶

黎之谷谷一作邱帝王世紀

補蚩尤出自芋水八肱八趾疏首登九淖以伐空桑黃帝

殺之于青邱易坤靈圖

補蚩尤變幻多方徵風召雨吹烟散霧黃帝師衆大迷王母乃命元女投帝以三宮五音陰陽之略太乙遊甲六壬步斗之術陰符之機靈寶五符五勝之文遂克蚩

尤于中翼元女兵法

補蚩尤者炎帝之後故祭蚩尤文云將軍敢以牲牢祭爾炎帝之裔蚩尤之神陰遁甲

補蚩尤人身牛蹄四目六手涿鹿間往往掘得鬲髀如

銅鐵蚩尤骨也述異記

補黃帝百戰百戰之數未盡聞也與炎帝戰于阪泉之

野三與蚩尤戰于涿鹿之野
七十二其大略也 鵠冠子注

臣等謹按朱昆田原引鵠冠子注黃帝百戰止七

十五攷陸佃原注有百戰之數未盡聞及大略句

不可刪今依原注補入

補赤帝為大災黃帝擒之 文子

補黃帝之時中黃直為將破殺蚩尤 漢書列傳

補史記述周書大戴禮文子所云炎帝赤帝皆謂蚩尤
而書傳舉以為禰罔失之 路史

補按史記云諸侯相侵伐蚩尤最為暴則蚩尤非為天子也又管子曰蚩尤受廬山之金而作五兵明非庶人

益諸侯號也 史記索隱

補蚩尤古之諸侯其性酷毒故作五虐之刑謂車裂人

及燒銅柱使人抱或使人緣之類也 唐律釋文

補蚩尤亂在幽州其死在冀 路火注

補黃帝戮蚩尤遷其民善者于郟屠惡者于有北詩云
投畀有北惡可知已 國名紀

增赤帝命蚩尤字于少昊以臨西方蚩尤乃逐帝爭於
涿鹿之阿 逸周書

增涿鹿之野常有五色雲氣金枝玉葉止於帝所有葩
華之象因作華蓋 古今注

增山海經云黃帝令應龍攻蚩尤蚩尤請風伯雨師以
從大風雨黃帝乃下天女曰魃以止雨遂殺蚩尤 史

記正義

增帝狂蚩尤七十一戰不克晝夢金人引領長頭元狐
之裘云天帝使授符帝寤問諸風伯曰天應也乃於盛
水之陽築壇祭以太牢有元龜銜符至壇非皮非絳廣
三尺裘一尺文曰天乙在前太乙在後帝再拜受符乃
設九宮置八門布三奇六儀制陰陽遁甲式三門發五

將具遂斬蚩尤
焉
太白陰經

朱昆田原按說蚩尤者不一孔子三朝記大戴禮
記以為庶人孔氏小司馬氏以為諸侯應劭以為
古天子或以為炎帝之後或以為九黎之君或謂
殺之于中冀或謂殺之于青邱或謂殺之于凶黎
之谷傳聞異辭並存焉可也

臣等謹按朱昆田並存諸說以備考異似矣但考
史記云神農衰諸侯相侵伐神農氏弗能征於是

軒轅乃習用干戈以征不享諸侯咸來賓從而蚩尤最為暴莫能伐則謂蚩尤為諸侯者近之

原黃帝都於涿鹿

帝王世紀

增邑於涿鹿之阿

史記五帝本紀

增輿地志云涿鹿黃帝初都遷有熊也

史記正義

增黃帝都於有熊又遷涿鹿

通志都邑略

臣等謹按帝王世紀黃帝都涿鹿或以為都涿鹿遷有熊或以為都有熊遷涿鹿今考史記索隱正義

皆以為黃帝有熊國君皇甫謐謂有熊今河南新
鄭路史謂有熊帝之開國輿地廣記云都非據此
則黃帝初國於有熊而與蚩尤戰于涿鹿之野為
天子後遷都涿鹿之阿通志都邑略輿史記合似
為可據

原高陽氏謂之幽陵

遠史地
理志

增顓頊都於帝邱其地北至幽陵

通典

原幽陵猶幽州

也楚辭注

大邑曰事

欽定四庫全書

原帝堯申命和叔宅朔方曰幽都尚書

原虞舜以天德嗣堯布功散德制禮朔方幽都來服大戴禮

禮記

原北荒有幽都之山山海經

補鴻烈解云西北方不周之山曰幽都之門又曰北接幽都南道交趾揚雄甘泉賦云西耀流沙北煥幽都即

朔方之幽都也 山海經廣注 補幽都一曰北幽 國名紀

原流共工于幽州尚書

臣等謹按幽州之名始見于此

原舜以冀州南北廣大分燕地北為幽州因幽都以為

名

晉地道記

增幽州因幽都山以為名也

通典注

增舜即位以冀青地廣始分冀東恒山之地為并州其

東北醫無閭之地為幽州

尚書集注

原幽州在北幽昧之地也

釋名

原幽之為言窈也言風出入窈冥敬勁易撓故其氣躁

急也

春秋元命苞

原夏殷省幽併冀

十道志

原殷人南都河南之亳復舜幽州之名周人又以幽州

兼殷之營州

周禮
總義

原職方氏掌天下之圖辨九州之國使同貫利東北曰

幽州

周禮

原燕曰幽州

爾雅

原燕其氣深要厥性慄疾故曰幽幽要也爾雅注
原燕宛也北方沙漠平廣此地在涿鹿山南宛宛然以

為國都也

釋名

原職方九州無徐梁而有幽并爾雅九州無青梁而有

幽營

學林新編

原禹貢九州之名舊矣爾雅九州商之制也職方九州

周之制也職方之冀小於禹貢則一分而三也既有冀而又宥幽并故幽州多入禹貢之青徐具山醫無閭在遼東光武時以遼東屬青州後又屬幽州非幽州入青乎其澤藜養在長廣其浸菑時菑出萊蕪地理志以長廣屬徐州琅琊有萊山非幽之入徐乎周禮釋疑原冀在商離而為二故有冀而有幽在周離而為三故有冀又有幽并周禮全解

增周之冀州小於禹貢時冀州以其北有幽州并州故知也周禮疏

增禹別九州有青徐梁而無幽并營是夏制也周禮有青并幽而無徐梁營是周制也此有徐幽營而無青梁并疑是殷制也爾雅疏

原武王克殷反商未及下車而封黃帝之後於蓟禮記

原武王滅紂封召公於北燕史記世家

原薊故燕國名公所封

漢書地理志注

原燕周之分子也

春秋穀梁傳

原名公奭與周同姓姓姬氏史記世家

原名公奭周之支族

古史考

原名公文王庶子帝王世紀

原左傳富辰言文王之子一十六國無名奭者則名公

必非文王之子尚書正義

原黃帝姓姬君奭其後也經典釋文

原名公始封蓋在北平無終縣以燕山為名後漸強盛

乃併薊徙居之

史記正義

原名公奭始食於名後王封之北燕在今幽州薊縣故

城是也

史記
索隱

原輿地廣記云武王封黃帝之後於薊又封召公于北燕或曰黃帝之後封于薊者已絕成王更封召公奭于

薊為燕

通鑑地
理通釋

原薊後改為燕猶唐之為晉荆之為楚 詩補傳
原契丹薊芟如車蓋中國無此大者其地名薊恐其因

此夢

溪筆談

增北燕都薊幽州治

通志都
邑略

朱彝尊原按召公所出衆說紛綸當以陸德明為

是蓋樂記所云封黃帝之後于薊者即召公也

臣等謹按路史國名紀南燕為伯儵國后稷妃南燕媯氏也又有東燕亦伯爵至召公始封之地逼近山戎六國時寔大併漁陽上谷右北平遼東西諸郡地是為北燕蓋別於南燕東燕而名之也

原齊桓公北伐山戎氏其道過燕燕君逆而出境桓公問管仲曰諸侯相逆固出境乎管仲曰非天子不出境桓公曰然則燕君畏而失禮也寡人不道而使燕君失禮

乃割燕君所至之地以與燕君

說苑

臣等謹按說苑所記齊桓公割地與燕事與史記齊燕兩世家所載同而史記以為山戎伐燕燕告急於齊桓公救燕遂伐山戎說苑以為伐山戎道過燕其說不同迎送情事亦小異考春秋魯莊公三十年齊人伐山戎左氏穀梁二傳皆以為救燕則史記所載為得實矣

原魯襄公二十八年夏北燕伯朝于晉

春秋

原二十有九年秋九月齊高止出奔北燕

同上

原昭公三年冬北燕伯欵出奔齊

同上

增燕簡公多嬖寵欲去諸大夫而立其寵人冬燕大夫比以殺公之外壁公懼奔齊書曰北燕伯欵出奔齊

罪之也左傳

原六年冬齊侯伐北燕

春秋

增十一月齊侯如晉請伐北燕也晉侯許之十二月齊侯遂伐北燕將納簡公晏子曰不入燕有君矣左傳

原七年春王正月暨齊平

春秋

原癸巳齊侯次于濰燕人行成曰敝邑知罪敢不聽命先君之敝器請以謝罪二月戊午盟于濡上燕人歸燕

姬路以瑤鬘玉瑋瑋
耳不克而還 左傳

原昭公十有二年春齊高偃帥師納北燕伯于陽

春秋

臣等謹按魯襄公二十九年齊高止出奔北燕注
謂北燕始見經春秋地名考謂其國僻小至簡公
始見於經考之史記燕世家則燕惠公元年也凡
簡公事史記皆以為惠公簡公後惠公四代與春
秋經傳殊不相協再考穀梁齊高止出奔北燕傳
云其曰北燕從史文也注謂以時有直稱燕者

故知從史文是北燕之名雖自是始見於經而春秋傳直稱燕者亦不必非北燕如左傳魯莊公十九年衛師燕師伐周十七年鄭執燕仲父史記以為燕莊公注家南燕北燕猶分持其說而魯莊公三十年山戎病燕之為北燕則諸家無異詞此可據也

原燕王噲專任子之已而讓位燕大亂

戰國策

增燕子之專國齊王誘太子平攻子之許為助太子使將軍市被圍公宮攻子之不克 歷代紀事年表

原齊人伐燕取之諸侯將謀救燕孟子曰王速出令反其旄倪止其重器謀於燕衆置君而後去之則猶可及

止也

孟子子

朱彝尊原按孟子所云重器當即厯室之鼎

原燕昭王收破燕後即位卑身厚幣以招賢者

戰國策

增郭隗曰王必欲致士先從隗始况賢於隗者豈遠千里哉於是昭王為隗改築宮而師事之樂毅自魏往鄒衍自齊往劇辛自趙往士爭趨燕

史記世家

原鄒衍如燕昭王擁篲先驅請列弟子之座而受業築

碣石宮身親往師之

史記列傳

原碣石宮在幽州薊縣西三十里寧臺之東 史記正

義

原燕昭王伐齊得寶器設祭於寧臺 史記列傳

原望諸君獻書報燕王曰臣奉令擊齊長驅至國珠玉財寶車甲珍器盡收入於燕大呂陳于元英故鼎反乎

歷室齊器設於寧臺薊邨之植植於汶篁 戰國策

臣等謹按歷室史記作磨室徐廣注曰磨歷也集

韻磨狼狄切地名與歷同紐也

原元英歷室燕二宮名在幽州薊縣西四里寧臺之下
括地志

補樂毅六月之間下齊國七十餘城皆為郡縣齊人食邑于燕者二十餘君有爵位于薊者百有餘人

通鑑

原燕九世稱侯八世稱公十世稱王

風俗通

臣等謹按史記燕世家自召公已下九世至惠侯索隱曰竝國史先失也自惠侯已下八世至莊公始稱公自莊公已下十九世至易王始稱王自易王至燕王喜凡七世滅於秦索隱曰燕四十二代有二惠侯二宣侯三桓侯二文侯蓋國史微失本謚故重耳今按惠釐宣桓稱侯者各一餘俱稱公

二文俱稱公正義曰召公封燕後三十六世與六國俱稱王風俗通所云殊未詳考

原秦始皇二十一年王賁攻薊乃益發卒詣王翦軍遂

破燕太子軍取燕薊城

史記始皇本紀

原秦四十郡幽為上谷郡

輿地廣記

增秦滅燕以其地為漁陽上谷右北平遼西遼東五郡

通典

補二世元年九月韓廣為趙略地至薊自立為燕王

史記

月表

原楚漢之際項羽封臧荼為燕王都薊韓信徇河北荼

降漢

太平寰宇記

增項羽分燕為二臧荼為燕王韓廣為遼東王

史記索隱

原高帝五年秋七月燕王臧荼反

漢書高帝本紀

原溫疥以燕相告燕王荼反封孽侯漢功臣表

原高祖自將擊之得燕王臧荼八月立盧綰為燕王

史記

高帝本紀

臣等謹按臧荼反立盧綰為燕王史記高帝本紀俱作五年十月盧綰傳則云七月從擊臧荼八月立為燕王紀傳自相抵牾至漢書盧綰之立本紀作五年九月異姓諸侯王表作後九月而臧荼之反表作四年九月紀作五年七月亦自互異再考史記月表云八月帝自將誅燕九月虜荼則臧荼之反應在五年七月與漢書本紀合又云後九月燕王盧綰始立與漢書表亦相合則盧綰之立應

以月表為正

原高帝六年分燕置涿郡十二年綰降匈奴復封皇子
建為王建薨呂后誅建子尋又分燕國之地置涿郡及
廣陽國文帝元年徙瑯琊王劉澤於燕傳國至孫定國
免武帝元狩六年又封皇子旦為王後置十三州改為

幽州領郡國十理於此

太平寰宇記

增幽州刺史領涿郡渤海代郡上谷漁陽右北平遼西

廣陽

潛確類書

原燕王旦立三十八年而誅國除

漢書列傳

原昭帝元鳳元年改燕國為廣陽郡

太平寰宇記

原水經注言秦始皇滅燕以為廣陽郡按史始皇紀三十六郡無廣陽之名當以昭帝置者為定北平古今記

原宣帝本始元年更為國以封燕刺王太子建為王領

縣四都薊建曾孫嘉王莽時絕

太平寰宇記

臣等謹按漢燕地封王名建者有二一為燕靈王

建高帝之子一為廣陽頃王建武帝之孫也

原涿郡莽曰垣翰屬幽州迺曰迺屏范陽曰順陰良鄉
曰廣陽益昌曰有秩陽鄉曰章武西鄉曰移風上谷郡
莽曰朔調屬幽州沮陽曰沮陰昌平曰長昌涿鹿曰拊
陸漁陽郡莽曰通路屬幽州漁陽曰得漁狐奴曰舉符
路曰通路亭泉州曰泉調厚奚曰敦德獷平曰平獷滑
鹽曰匡德廣陽國莽曰廣有薊曰伐戎陰鄉曰陰順右
北平郡莽曰北順屬幽州俊靡曰俊麻徐無曰北順亭

漢書地理志注

原更始二年正月光武以王郎新盛乃北徇薊故廣陽

王子劉接起兵薊中以應郎

後漢書光武本紀

補更始二年春正月公

謂世祖

到薊王郎購公十萬戶薊

中驚恐言郎使者方至太守以下皆出城迎公見官屬

議耿弇曰今兵從南方來不可南行上谷太守耿况漁

陽太守彭寵公邑人也發此兩郡控弦強弩萬騎所向

無前邯鄲不足平也公曰卿言善時公屬官盡南方人

莫有欲北者公指弇曰是我北道主人也

後漢紀

原耿弇從光武北至薊會中亂光武遂南馳官屬各分散弇走昌平與景丹寇恂及漁陽兵合軍而南定涿郡遂及光武于廣阿光武居邯鄲宮弇入造牀下請歸幽州發兵光武乃拜弇為大將軍與吳漢北發幽州十郡兵引而南追尤來大捨五幡于元氏光武軍敗還壁范陽賊退弇從追至容城小廣陽安次連戰破之光武還薊復遣弇與十三將軍追賊至潞東及平谷再戰遂窮追于石北平無終土垠之間至俊靡而還

後漢書
列傳

原銚期從徇薊時王郎檄書到薊薊中起兵應郎光武
趣駕出百姓聚觀誼呼滿道遮路不得行期騎馬奮戟
瞋目大呼左右曰趣衆皆披靡及至城門門已閉攻之

得出

同上

原濕水東逕廣陽縣故城北謝承後漢書曰世祖與銚
期出薊至廣陽欲南行即此城也謂之小廣陽水經

補上既破邯鄲誅王郎召鄧禹宿夜語曰欲北發幽州
突騎諸將誰可使者禹曰吳漢可其人勇鷙有智謀諸

將鮮能及者上於是以漢為大將軍漢遂斬幽州牧苗

曾上以禹為知人

東觀漢記

補上破賊入漁陽諸將上尊號上不許議曹掾張社言俗以為燕人愚方定大事反與愚人相守非計也上大

笑同上

原光武帝建武二年二月漁陽太守彭寵反攻幽州牧

朱浮于薊三年三月彭寵陷薊城自立為燕王五年二

月彭寵為其蒼頭所殺漁陽平

後漢書光武本紀

增朱浮密奏彭寵上徵之寵既自疑其妻勸寵無應徵今漁陽大郡兵馬衆多奈何為人所奏而素此去寵與

所親信吏計議吏皆怨浮勸寵止不應徵東觀漢記
增彭寵齊獨在便室蒼頭子密等三人因寵卧寐共縛
著牀又以寵命呼其妻妻入大驚昏夜後解寵手令作
記告城門將軍云遣子密等至于后蘭卿所速開門勿
稽留之書成即斬寵及妻頭置囊中便持記馳
出城因以詰闕封為不義侯後漢書列傳

原光武封叔父良為廣陽王十五年徙王趙省廣陽合
上谷和帝永元元年復立廣陽郡幽州刺史與郡同理

太平寰宇記

增後漢置幽州並因前代理於薊縣

通典

原京兆第五永為督軍御史使督幽州百官祖饒蔡邕
等皆賦詩高彪獨作箴邕美其文以為莫尚也後漢

書文苑傳

增邛壽為冀州刺史時冀部屬郡多封諸王賓客放縱

類不檢節壽察之無所容貸

後漢書列傳

補北平縣界有漢熹平四年幽冀二州以戊子詔書遣

冀州從事王球幽州從事張昭郡縣分

境立石標界具揭石文也

水經注

原光和中漁陽張純誘遼西烏丸邱力居等叛劫略薊

中

三國志

臣等謹按後漢書靈帝紀中平四年張純始寇幽

冀二州與三國志所載互異

原張純自號彌天將軍安定王

九州春秋

原朝廷以劉虞威信素著思積北方拜幽州牧虞到薊
罷省屯兵務廣恩信純走出塞虞勸督農植開上谷朝
市之利通漁陽鹽鐵之饒青徐士庶避難歸虞者百萬

餘口

後漢書
列傳

原是時有四望會于箕尾韓馥稱識云神人將在燕分
謂劉虞當代立虞以國有正統非人臣所宜言固辭不
許

吳書

原公孫瓚與虞相忤及表紹戰于界橋軍敗還薊後

漢書列傳

原公孫瓚于大城東南築小城與劉虞相近稍相恨望

虞懼瓚為變遂舉兵襲瓚

三國志

補公孫瓚証劉虞欲稱尊號脇股訓誅之於是虞故吏

漁陽鮮于輔率其州人及三郡烏桓鮮卑與瓚所置漁陽太守鄒丹戰于冀北大破之斬丹既而持其衆奉王

命

後漢紀

原公孫瓚部曲放散在外自懼敗掘東城門欲走盧兵無部伍不習戰又愛民屋勅令勿燒故瓚得放火因以精銳衝突盧衆大潰奔居庸城魏氏春秋

原公孫瓚破禽劉虞盡有幽州之地

後漢書列傳

原建安十八年正月并十四州復為九州

三國志

原時省幽并州以其郡國并於冀州

獻帝春秋

原魏明帝太和六年封叔父字為燕王

太平寰宇記

原晉泰始初封文帝子機為燕王機薨無子國除尋改

范陽郡曰范陽國分上谷置廣寧郡仍隸范陽國改右北平為北平而幽州存焉領郡國七理于涿今范陽縣

是也

同上

增晉太康中改屬幽州永嘉後趙改為燕郡仍屬幽州永和六年前燕徙都于此其後苻堅慕容垂迭有其地

州郡之名如故

叢輔通志

原王浚領幽州刺史謠曰幽州城門似藏戶中有伏尸王彭祖

晉書列傳

原石勒將幽州引王子春問之對曰幽州謠怪特甚聞者莫不為之寒心浚曾無懼容亡期至矣勒撫几笑曰

王彭祖真可掄也于是輕騎襄幽州至薊叱門者開門先驅牛羊數千頭聲言上禮實欲填諸街巷使兵不得發勒升其廳事命甲士執淺驛送襄國市斬之

晉書載記

原石勒僭號襄國于薊置幽州於州置燕郡

太平寰宇記

原石勒每破一州必簡別衣冠號為君子城洎平幽州擢荀綽裴憲等還襄國經此俗訛為箕子城郡國志補石勒從幽州大道滹沱河造浮橋植行榆五十里置行宮

趙書

補高翔說燕高祖曰自王公沒政錯士人失望樞負歸公者動以萬數今王氏敗沒而福星見尾箕其兆可見矣晉室雖衰人心未變宜遣貢使江東示有所尊然後仗義聲以掃不庭可以有辭于天下高祖深納焉

書

原鮮卑段遼遣從弟屈雪或作雲襲幽州刺史李孟退奔

易京石季龍以支雄為龍驤天將軍姚弋仲為冠軍將軍統步騎十萬為前鋒伐遼衆次金臺支雄長驅入薊遼四十餘城並降于季龍支雄攻安次斬其部大夫那樓竒遼懼奔密雲山季龍遣將軍郭泰等追及之戰于密雲遼單馬竄險遣子乞特真送表及名馬季龍納之穆帝永和五年慕容儁即燕王位明年率三軍南伐出自盧龍次於無終石季龍幽州刺史王午棄城走留

其將王他守薊雋攻陷其城斬他因而都之

晉書載記

原慕容雋既即位追尊父玆為太祖文皇帝於范陽燕郡構玆廟以護軍平熙領將作大匠監造焉

冊府

元龜

原燕國都碣石宮漢為薊縣舊置燕都有桑乾水慕容

雋都于此也

通典注

原慕容雋之都薊縣也嘗名其宮為碣石故有謂范陽為渤碣間一都會者攷其地理正東去海尚隔唐之漁陽北平兩郡則姑雋美名命之非事實也

程氏禹貢論

臣等謹按史記燕昭王築碣石宮燕國正都薊卽

則宮之名碣石不始于慕容氏也儁特循燕昭之
舊宮名耳至或謂范陽為渤海間一都會乃指禹
貢之碣石與史記燕之海上而言所該者廣又與
碣石宮無涉也程氏禹貢論之說殊支離失據謹
附辯于此

增慕容儁自和龍至薊城幽冀之人以為東遷互相驚
擾所在屯結其下請討之儁曰羣小以朕東巡故相感
耳今朕既至尋當
自定 晉書載記

原儁為符堅所滅堅亂慕容垂得其地州郡之名如故

太平黨

字記

補建節將軍徐巖叛擊掠四千餘人北至幽州慕容垂勅其將平規曰但固守勿戰吾當自討之規違令拒戰為巖所敗巖乘勝入薊掠千餘戶而去晉書載記

原晉孝武帝太元二十一年八月魏主珪大舉伐燕南出馬邑踰句注別遣將軍封真等從東道出軍都襲燕

幽州

通鑑

原慕容寶聞魏來伐使慕容會率幽并之衆赴中山寶與太子策及慕容農慕容隆等迎會於薊會迎寶薊南寶分其兵給農隆幽平之士皆懷會威德不樂去之咸請曰清河王天資神武權畧過人臣等與之誓同生死

願陛下與皇太子諸王止駕薊宮使

王統臣子進解京師之圍音書載北

原慕容寶至龍城垂勇薊汗拒之寶南走奔

薊汗復遣迎寶還龍城殺之北史列傳

原魏道武破慕容寶復于薊立燕郡又于郡理置幽州

大千案

字記

補魏太祖天興二年八月范陽人盧溥乘海濱稱使

者持師征北大將軍幽州刺史攻掠郡縣殺幽州刺史

封當干十二月詔材官將軍和突討溥三年正月

和突生擒溥傳送京師殺之魏書道武帝本紀

補太宗泰常元年徙何部落庫儔官斌叛歸馮跋驍騎

將軍廷普渡濡水討擊大破之斬斌及跋幽州刺史漁

陽公庫儔官昌征北將軍闕內侯庫儔官提等首生擒

庫儔官女生縛送京師幽州平魏書明元帝本紀

補世祖始光四年正月行幸幽州

魏書太武帝本紀

補延和元年九月徙營邱成周遼東樂浪帶方元菟六

郡民三萬家於幽州開倉以賑之

同上

補太延三年二月行幸幽州存恤孤老問民疾苦

同上

原孝文帝太和二十三年幽州民王惠定聚衆反
自稱明法皇帝刺史李肅捕斬之

冊府元龜

增魏任城王元雲出爲冀州刺史性善
撫綏留心政事甚得下情

畿輔通志

原宣武帝延昌三年十一月幽州沙門劉僧紹聚衆反
自號淨居國明法王州郡捕斬之

北史宣武帝本紀

原孝明帝孝昌元年八月杜洛周反于上谷二年十一月

攻陷幽州武泰元年為葛榮所併孝莊帝永安元年爾

朱榮討葛榮遺黨韓樓復據幽州反二年九月大都督

侯淵破韓樓于薊斬之幽州平

北史孝明
帝本紀

補孝昌元年八月杜洛周反號年真王南圍燕州九月
詔左將軍幽州刺史常景為行臺征虜將軍元譚為都
督以討洛周二年正月都督元譚次于軍都為洛周所
敗二月都督李瑀次于薊城之北又為洛周所敗瑀賊
沒五月燕州刺史崔暉率眾棄城南走秋七月洛周遣
其別帥曹紇真寇掠幽州常景遣都督于榮邀于栗園
大破之新統真十有一月洛周陷幽州執刺史王延年
及行臺常璩武泰元年春二月洛周為葛榮所并

書孝明
帝本紀

補廢帝普泰元年幽州刺史劉靈助起兵於薊率衆
次安國城定州刺史侯淵破斬之魏書廢帝本紀

增幽州治薊城燕郡領縣五薊廣陽良鄉軍都安城

魏書

地形
志

增後魏初增置定相平安瀛東燕滄殷南營九州共領

四十三郡

義輔
通志

原北齊于州置東北道行臺

太平寰
宇記

原後周改置燕范陽二郡兼立總管府于州

同上

原隋開皇三年廢燕郡所領五縣復屬州總管如故

同上

增隋開皇三年置幽州總管大業三年廢州置郡

通鑑輔志

原煬帝初廢總管大業三年罷州以其地併入涿郡

太平

寰宇

記

增涿郡統縣九薊良鄉安次涿固安雍奴昌平懷戎潞

隋書地

理志

原自漢高帝置涿郡而治涿縣曹魏改涿郡曰范陽郡隋開皇初廢范陽郡大業初併燕范陽置涿郡治薊而涿縣屬焉此郡名廢置徙治

離合之辨也

通鑑辨誤

補自晉至隋幽州刺史皆以薊為治所

舊唐書地理志

原大業四年春正月詔發河北諸郡男女百餘萬開永

濟渠引沁水南達于河北通涿郡

隋書場
帝本紀

原七年二月帝自將擊高麗

通鑑
細目

原七年二月帝自江都行幸涿郡御龍舟渡河入永濟

渠夏四月車駕至涿郡之臨朔宮

通鑑

原場帝幸涿郡名王遠知見于臨朔宮帝
執弟子禮咨質仙事
新唐書方技傳

原薊縣有故隋臨朔宮

新唐書地理志注

原秋七月發江淮以南民夫及船運黎陽及洛口諸倉

米至涿郡舳舻相次千餘里

通鑑

原八年春正月四方兵皆集涿郡凡一百一十三萬三千八百人號二百萬其餽運者倍之宜社于南桑乾水

上類上帝于臨朔宮南祭馬祖于薊城北

同上

原九年春正月徵天下兵募民為驍果集于涿郡

隋書
楊帝

本紀

增十年徵天下兵伐高麗三月帝如涿郡秋七月高麗

遣使請降

通鑑
綱目

原大業七年以後初有遼東之役又發丁壯為驍果又送驢馬于涿郡又發黃衣牽船滄海又發五穀雜種牛

皮鐵炭飛輓千

里
河洛記

補上谷賊帥王須拔自號漫天王擁眾數萬人掠幽州中流矢而死其亞將魏刀兒代領其眾自號厯山飛竇

建德襲破之盡併其地

舊唐書
列傳

增羅藝大業時屢以軍功官至虎賁郎將煬帝令受右

武衛大將軍李景節度督軍於北平

同上

原帝伐高麗器械資儲皆積于涿郡涿郡人物殷阜屯

兵數萬又臨朔宮多珍寶諸賊競來侵掠留守官虎賁
郎將趙什住等不能拒惟雲陽羅藝獨出戰前後破賊
甚衆什住等陰忌之藝宣言激其衆曰吾輩討賊數有
功城中倉庫山積制在留守之官莫肯散施以濟貧乏
將何以勸士衆皆憤恣軍還郡丞出城候藝藝因執之
陳兵而入什住等懼皆聽命乃發庫物以賜戰士開倉廩
以賑貧乏殺不同己者藝自稱幽州總管

通鑑

補建德使大將軍高士興抗禦羅藝兵進圍幽州攻之

不克退軍于籠火城為藝所襲士興大潰九月建德自帥師圍幽州藝出兵與戰大破之斬首千二百級藝兵頻勝而驕進襲其營建德列陣于營中填塹而出擊藝敗之建德薄其城不克遂歸洺州

舊唐書
列傳

補羅藝在幽州為竇建德所圍告急于高開道乃率二千騎援之建德懼其驍銳于是引去時幽州大飢開道許給之粟藝遣老弱就食開道皆厚遇之藝甚悅不以為虞乃發兵三千人車數百乘驢馬千餘匹請粟于開

道卷留之北連突厥告絕於藝

同

增高開道引兵圍北平未下隋守將自度不能支棄城去開道據其地武德元年陷漁陽郡有之有鎧馬數千衆

萬人自號燕王

新唐書
列傳

增武德元年隋將李景守北平郡高開道圍之景拔城去開道取其地進陷漁陽郡自立為燕王都于漁陽先是懷戎沙門高曇晟者因縣令設齋士女大集曇晟與其僧徒五十人擁齋衆而反殺縣令及鎮將自稱大

乘皇帝立尼靜宣為耶輪皇后建元為法輪夜遣人招
誘開道結為兄弟改封齊王開道以衆五千人歸之居

數月襲殺曇晟悉并其衆三年復稱燕王

舊唐書
列傳

增劉黑闥亡將張君立奔於開道與其將張金樹潛相
連結圍開道開道自殺金樹殺張君立遂歸國開道自
初起至滅凡八歲以其地為媯州

同上

原張道源撫輯山東諭藝降武德二年乃奉表以地歸

詔封燕王

新唐書
列傳

欽定日下舊聞考卷二

欽定四庫全書

欽定日下舊聞考卷三

世紀二

原唐武德元年改為幽州總管府管幽易平檀燕北燕
營遼八州領薊良鄉潞涿固安雍奴安次昌平八縣二
年又分潞縣置元州領一縣隸總管四年竇建德平以
固安縣屬北義州六年改總管為大總管管三十九州
七年改為大都督府又改涿縣為范陽九年改大都督

為都督幽易景瀛東鹽滄滿蠡北義燕營遼平檀元北
燕等十七州貞觀元年廢元州以漁陽潞二縣來屬又
廢北義州以固安來屬八年又置歸義縣督幽易燕北

燕平檀六州乾封五年置無終縣如意元年分置武隆

縣景龍三年分置三河縣

太平寰宇記

增萬歲通天二年擢張仁愿為肅政臺中丞檢校幽州
都督會突厥默啜入寇攻陷趙定擁衆迴至幽州仁愿
勒兵出城邀擊之流矢中手賊亦引退則天遣使勞問
賜以醫藥舊唐書列傳

增薛訥左武衛大將軍仁貴子也則天以訥將門使攝
左武威衛將軍安東道經畧尋拜幽州都督兼安東都

獲久當邊鎮之任
累有戰功 同上

原開元元年幽州置防禦大使二年置幽州節度諸州
軍管內經略鎮守大使領幽易平檀媯燕六州治幽州
八年幽州節度兼本軍州經略大使并節度河北諸軍

大使

新唐書
方鎮表

增張說元宗初徵拜中書令封燕國公俄坐事左轉嶽

州刺史遷右羽林將軍兼檢校幽州都督

舊唐書
列傳

原開元十三年陞為大都督府十八年割漁陽玉田三

河三縣置薊州

大平案
字記

卷三

原幽州節度增領滄薊二州二十年幽州節度使兼河
北採訪處置使增領衛相洛貝冀魏深趙恒定邢德博
棣營莫十六州及安東都護府二十七年幽州節度使
增領河北海運使二十九年幽州節度使領平盧軍節
度副使治順化州

新唐書
方鎮表

補開元二十一年張守珪轉幽州長史兼御史中丞契
丹及奚連年為邊患趙含章薛楚玉等前後為幽州長

史竟不能拒及守珪到官頻出擊之每戰皆捷契丹別帥李過折斬首領屈刺衙官可突干率衆以降守珪因出師次紫蒙州大閱軍實讌賞將士二十三年春守珪詣東都獻捷會藉田禮畢酺宴便為守珪飲至之禮上賦詩以褒美之詔于幽州立碑以紀功賞

舊唐書
列傳

原天寶元年正月置十節度經畧使以備邊

通鑑

原更幽州節度使為范陽節度使

新唐書
方鎮表

原范陽節度臨制奚契丹統經畧威武清夷靜塞恒陽北平高陽唐興橫海九軍屯幽冀媯檀易恒定莫滄九

州之境治幽州兵九萬
一千四百人 通鑑

卷三

原幽州范陽郡有府十四曰呂平涿城德聞潞城樂上
清化洪源良鄉開福政和停驂柘河良杜咸寧城內有
經略軍又有納降軍本納降守捉城故丁零川也西南
有安塞軍有赫連城有宗王乾澗珍寇三鎮城石堆車
坊蒿城河旁四戍檀州密雲郡有威武軍萬歲通天元
年置本漁陽開元十九年更名又有鎮遠軍故黑城川
也有三叉城橫山城米城有大王北來保要鹿固赤城

邀敵石子航七鎮有臨河黃崖二戍薊州漁陽郡有府
二曰漁陽臨渠南二百里有靜塞軍本障塞軍開元十
九年更名又有雄武軍故廣漢川也東北九十里有洪
水守捉又東北三十里有鹽城守捉又東北渡灤河有
古盧龍鎮又有斗陁鎮自古盧龍北經九荆嶺受米城
張洪陁度石嶺至奚王帳六百里又東北行傍吐護真
河五百里至奚契丹衙帳又北百里至室韋帳

新唐書地理志注

原經略軍在幽州城內兵三萬人威武軍在檀州城內
兵萬人清夷軍在揚州城內兵萬人靜塞軍在薊州城

內兵萬六千人
通鑑注

原天寶三載三月以平盧節度使安祿山兼范陽節度

使

通鑑

增七載授安祿山范陽大都督府長史柳城郡太守持

節范陽節度

安祿山
事蹟

增幽州天寶九年改范陽郡屬范陽上谷妫州密雲歸

順漁陽順義歸化八郡

舊唐書
地理志

原十五載安祿山偽即帝位國曰大燕以范陽為大都
署其城東隅私第為潛龍宮
安祿山事蹟

原安祿山反于幽州南向京輔白居易歌之以為漁陽
擊鼓動地來漁陽即謂幽州也唐人多言之通鑑注

原祿山父子僭位凡三年而滅至德二載史思明奉十

三郡兵八萬籍歸于朝

新唐書
列傳

增至德二載以史思明為歸義王范陽節度使通鑑

原乾元元年復為幽州

大平案
字記

原二年正月史思明僭稱大聖周王四月更國號大燕
自稱應天皇帝號范陽為燕京新唐書列傳

原史朝義殺思明僭位以偽太常卿李懷仙為范陽節
度使懷仙以薊縣為節度院薊門紀亂

原寶應元年范陽節度使復為幽州節度使及平盧陷

又兼盧龍節度使

新唐書
方鎮表

原廣德元年李懷仙因中使駱奉仙請降遣兵馬使李抱忠將兵鎮范陽縣史朝義至范陽不得入通鑑原史朝義東投廣陽郡不受北取潞縣漁陽擬投兩藩至榆關懷仙使使招回邵至漁陽過從潞縣至幽州城

東河漢門外於醫無閭神廟
中被絞縊死 河洛春秋

原李懷仙盡以所管來降

唐
歷

原閏月李懷仙仍故地為幽州盧龍節度使四月割分

河北諸州以幽莫媯檀平薊為幽州管

通鑑

增李懷仙世事契丹降唐後守營州祿山之叛以裨將從陷河洛史朝義時偽授為燕京留守范陽尹寶應元

年朝義奔范陽懷仙誘而擒之斬首來獻僕固懷恩薦
懷仙可用代宗復授幽州大都督府長史檢校侍中幽
州盧龍等軍節度使與賊將薛嵩田承嗣張忠志等分
河朔而帥之文武將吏擅自署置貢賦不入于朝廷雖
稱藩臣實非王臣
也 舊唐書列傳

原大歷三年朱希彩朱泚泚弟滔共斬懷仙希彩自稱
留後詔領節度其下李瑗殺之推朱泚為留後泚入朝
以滔權知留後遂領節度滔以祿山思明皆起燕俄覆
滅惡其名以冀堯所都因號冀僭為王改幽州為范陽

府

新唐書
列傳

增幽州管郭下西界與薊分治至建中二年取羅城內
廢燕州府署置幽都縣在府北一里 舊唐書地理志

原建中三年幽州節度復領德棣二州

新唐書
方鎮表

原朱滔死軍中推劉怱總軍事俄詔為節度副大使怱
卒子濟嗣節度濟病索漿火子總置毒濟飲而死兄緄
至涿州矯濟命殺之即領軍政詔嗣節度數見父兄為
崇晚年益慘悻請剔髮衣浮屠服上疏願奉朝請且欲
割所治為三以幽涿營為一府請張宏靖治之瀛莫為
一府盧士玫治之平薊媯檀為一府薛平治之穆宗欲

寵宏靖故全付總地拜總檢校司徒兼侍中賜浮屠服
號大覺榜其第為佛祠總已自髡祝讓節印卒俄幽州
亂囚宏靖詔以劉悟為節度使而瀛冀皆附朱克融悟
不得入朝廷度幽冀未可復取乃拜克融為幽州盧龍

節度使

新唐書
列傳

臣等謹按朱彛尊原引新唐書藩鎮傳不載總父
兄為崇晚年慘惻剔髮衣浮屠服之事則賜劉總
浮屠服句無根今依列傳增正

原長慶元年幽州節度罷領瀛莫二州置瀛莫節度使

二年幽州節度復領瀛莫二州

新唐書
方鎮表

原敬宗初軍亂殺克融次子延嗣領留後大將李載義
殺而代之敬宗即授盧龍軍節度使太和四年為兵馬
司楊志誠所逐文宗用志誠為留後俄擢節度副大使
八年為下所逐推部將史元忠總留後明年為副大使
會昌初為偏將陳行泰所殺邀節制未報次將張絳殺
行泰武宗用張仲武代之大中初卒子直方襲節度留

後俄進副大使舉動多不法畏變起奔京師軍中以張
允伸總後務未幾為節度使咸通十二年以疾上節印
詔以子簡會為副大使而軍中推張公素為留後簡會
出奔詔公素為節度使為李茂勳所襲奔京師茂勳入
府眾推主州務以聞詔即拜節度使俄以病表子可舉
代遂領留後進節度使可舉死眾推李全忠為留後光
啓元年拜節度使未幾卒子匡威領留後進為使李克
用伐王鎔匡威自將援鎔其弟匡籌據城自為留後天

子即授為節度使克用攻匡籌下武媯二州敗匡籌於
居庸關匡籌遁去幽州歸克用劉仁恭入城封府庫以
待克用悅留仁恭守之乾寧二年表為盧龍軍節度使

新唐書
列傳

臣等謹按朱彛尊原書引藩鎮傳云是年軍亂殺
克融蒙上條長慶二年為文考之本傳是年二字
承敬宗初而言乃寶歷元年事也今改正

補張仲武為幽州大都督府長史回鶻擾邊東逼漁陽
仲武大破之前後收其侯王貴族千餘人降三萬人表

請于薊北立紀聖功銘勅李德裕為之文
舊唐書列傳

增李德裕論幽州事宜狀右臣伏見報伏見幽州雄武軍使張仲武已將兵馬赴幽州雄武軍使今日奏事官吳仲舒列臣宅扶疾與之相見細問雄武只有兵士八百人在此外更有土團子弟五百人臣問兵馬至少如何去得仲舒答臣云只繫人心歸向若人心不從三萬人去亦無益據此說即是仲武得幽州人心又云張絳初處置陳行泰之時已曾喚仲武欲讓與留務是衙門內一二百人未肯仲武行至昌平縣去幽州九十里却令歸鎮臣又問萬一入不得即有何計仲舒云幽州軍糧並貯在媯州及向北七鎮若萬一入未得却于居庸關守險絕其糧道幽州自存立不得伏以陳行泰張絳皆是邀求符節固不可比仲武先布款誠候朝廷指揮因此拔用必能盡節加之恩寵亦似有名緣在假未獲面奏謹先密奏伏望留中不出
李衛公集

增李德裕進幽州紀聖功碑狀奉宣令臣撰述者北狄
強悍勇于四夷前代聖王莫能制伏昨者回鶻雖乘危
蹙勢已內侵豺狼之師尚餘十萬陛下神聖獨斷智出
萬方震天威以霆聲碎獯戎而瓦解武功威烈高越百
王豈比周穆犬戎之征荒服不至漢武馬邑之詐羣帥
無功將垂耿光宜命鴻筆臣學藝荒淺久病衰殘絕軒
后之功徒知竭思叙唐堯之德終愧難名採其功狀稍
似摭實今已撰訖謹述進上輕黷宸扆不任惶越謹錄

奏聞

同上

增高思繼兄弟以武勇雄于北邊為幽州節度使李匡
威戍將匡威為其弟匡籌所募思繼等聞晉兵為匡威
報讐欣然從之匡籌棄城走李克用以劉仁恭守幽州
以其兄為先鋒都指揮使思繼為中軍都指揮使弟某
為後軍都指揮使高氏兄弟分掌燕兵克用臨訣謂仁
恭曰思繼兄弟勢傾一方為燕忠者必高氏也宜善為
防克用留晉兵千人為仁恭衛而晉兵多犯法思繼等

數誅殺之克用以責仁恭仁恭以高氏為詐由是晉盡誅思繼兄弟仁恭以其兄某之子行珪為牙將而思繼子行周年十餘歲亦收之帳下稍長補以軍職

五代史雜傳

增梁初別為十一國北有燕劉仁恭

通鑑地理通釋

原仁恭子守光梁開平元年自外將兵入自稱盧龍節度使執仁恭而幽之乾化元年自號大燕皇帝改元曰

應天

五代史雜傳

原幽州劉守光錢而文曰
應天元寶背曰万泉志

原明年晉遣周德威會鎮定兵攻燕

五代史雜傳

原守光遣其將單廷珪出戰與德威遇于龍頭岡德威奮過擊廷珪墜馬生擒置于軍門乾化三年正月拔燕順州安遠軍二月攻檀州刺史陳確以城降三月拔蘆臺軍克古北口李嗣源進攻儒州拔之四月德威進軍逼幽州南門劉光睿拔燕平州十月守光率衆五千夜出將入檀州德威自涿州引兵邀擊大破之守光以百餘騎逃歸幽州盧龍巡屬皆入于晉守光獨守幽州求援于契丹契丹以其無信不救十一月晉王自詣幽州

單騎抵城下謂守光曰朱溫篡逆予本與公合河朔五
鎮之兵興復唐祚公謀之不臧乃效彼狂僭是以有今
日之役諸軍四面攻城克之擒仁恭守光亡去晉王入
幽州以周德威為盧龍節度使守光將奔滄州迷失道
至燕東之境擒之晉王發幽州仁恭父子皆荷校于露
布之下以練紆仁恭父子凱歌入于晉陽

通鑑

補劉守光背晉晉兵攻之守光將元行欽牧馬山後聞
守光且見圍即率所牧馬赴援而麾下兵叛于道推行
欽為幽州留後 五代史雜傳
補時燕城危蹙甲士七散劉守光召元行欽行欽部下

諸將以守光必敗赴召無益乃請行欽為燕帥稱留後
行欽無如之何謂諸將曰我為帥亦須歸幽州衆然之

周太

祖寶錄

原盧龍藩鎮二十八易帥歷一百四十八年

寰宇分
合志

補唐置節度使自幽州始軍士立主帥自平盧始節度

據故鎮自盧龍始其事莫非燕也

燕
史

增後唐為盧龍節度

天祚
通考

增莊宗初起并州取幽滄

五代史
職方考

補明宗天成三年七月幽州趙德鈞敗遼于府西

五代
春秋

增趙德鈞幽州人也事劉守光守文為軍校莊宗伐燕
得之賜姓名曰李紹斌其子延壽本姓劉氏常山人也
其父祁為修縣令劉守文攻破修縣德鈞得延壽并其
母种氏而納之因以延壽為子延壽為人姿質妍柔稍
涉書史明宗以女妻之號興平公主莊明之世德鈞鎮
幽州十餘年以延壽故尤見信任至廢帝立德鈞陰遣
人聘德光求立已為帝德光指穹廬前巨石謂德鈞使
者曰吾已許石郎矣石爛可改也德光至潞州鏢德鈞

父子而去德光母述律見之問曰汝父子自求為天子何耶德鈞慙不能對悉以田宅之籍獻之述律問何在曰在幽州述律曰幽州屬我矣何獻之為明年趙德鈞死德光以迺壽為幽州節度使封燕王

五代史
列傳

增趙迺壽趙德鈞養子為幽州節度使封燕王及改幽州為南京遷留守總山南事會同初帝幸其第加政事令晉人背盟帝親征迺壽為先鋒下貝州授魏博節度

使封魏王

遼史
列傳

原遼當莊宗明宗時攻陷營平二州及已立晉又得雁門以北幽州節度管内合一十六州乃以幽州為燕京改天顯十一年為會同元年更其國號大遼

五代史列傳

臣等謹按五代史列傳云德光立三年改元天顯又云改天顯十一年為會同元年更其國曰大遼注謂據耶律德光立晉高祖冊文稱惟天顯九年歲次丙申是歲乃晉天福元年推而上之得唐天成三年戊子為天顯元年又引遼附錄德光與唐

明宗同年而立為三年改元之證今考遼史太祖紀天贊四年後即為天顯元年以是年二月壬辰改元七月辛巳以後即皇后攝軍國事明年冬十一月壬戌太宗即位有司請改元不許其明年即書三年十一年十一月丁酉冊石敬瑭為大晉皇帝十三年十一月丙寅改元會同是月晉獻幽薊瀛莫涿檀順媯儒新武雲應朔寰蔚十六州是年即書會同元年是太宗以天顯二年即位並未改

元至十三年始改元會同也按遼紀干支與五代史註悉合惟遼史以太祖丙戌為天顯元年五代史謂德光立三年改元天顯則以戊子為天顯元年故有十一年與十三年改元會同之異至唐明宗之立在遼太祖天顯元年四月計遼太宗之立實後一年餘七月蓋宋時未見遼國史止據傳聞于中國者為言如遼太祖年號五代史皆略不書其不能致詳可知也再考遼史太宗紀會同十年

正月八日二月丁巳朔建國號大遼改元大同是
遼滅晉始更國號而歐陽修五代史則書更國號
於會同元年之下至會同十年改元薛史歐史皆
不書而書改晉國曰大遼國與遼史皆不符蓋傳
聞異詞耳

原按巴堅稱帝援立晉名得其所割雁門以北幽州節
度管內十六州其地東北有盧龍塞西北有居庸關中
國恃此以為限界自十六州既割之後河北盡屬平地

無險可以拒守矣

北邊備對 按巴堅滿州語
大理也 舊作阿保機 今譯改

臣等謹按遼史立晉者遼太宗耶律德光非太祖
按巴堅程大昌北邊備對稱太祖援立晉名得所
割地者誤也

原天顯十三年以幽州為南京

遼史地理志

臣等謹按遼史本紀升幽州為南京在改元會同
之後是年即書會同元年地理志仍作天顯十三
年非

增府曰幽都軍曰盧龍開秦元年落軍額統州六縣十

一遼史地

理志

原開秦元年改幽都府為析津府薊北縣為析津縣幽

都縣為宛平縣

遼史聖宗本紀

臣等謹按遼史開秦元年改幽都縣為宛平縣紀

志相符而志稱宛平縣本晉幽都縣清類天文分

野之書則又謂唐建中元年朱滔立燕都縣石晉

割地賂遼遼改幽都縣統和二十二年改宛平與

遼史紀傳不同

原南京本幽州地自晉割棄建為南京又為燕京析津府置都總管府節制馬步軍控鶴指揮使都統軍司牛欄監軍砦石門詳衮司南北皮室司猛伊喇司並隸總

管府備禦宋

契丹志 按詳衮索倫語理事官也舊作詳穩猛伊喇舊作猛搜喇伊喇滿州語泰

也今俱詳改

原幽州宋為化外州安東上都護府領羈縻州十四城

志

補宋太祖別置封樞庫常密謂近臣曰石晉苟利於已

割幽薊以略遼使一方之人獨限境外朕甚閔之欲俟斯庫所藏滿三五十萬即遣使于遼約苟能歸我土地民庶即當盡此金帛充其贖直如曰不可朕將散滯財募勇士保國攻取爾會晏駕不果 太平治述純類

增太平興國四年六月以將伐幽薊遣發京東河北諸

州軍儲庚申帝復自將伐遼庚午次幽州城南駐蹕寶

光寺壬申命節度使定國宋偓河陽崔彥進彰信劉遇

定武孟元喆四面分兵攻城以潘美知幽州行府事七

月庚辰知順州劉廷素來降壬午知薊州劉守恩來降

癸未帝督諸軍及遼大戰于高梁河敗績甲申班師

宋史

太宗
本紀

原承熙既下并州欲乘勝收復荆門咨于衆參知政事
趙昌言對曰自此收幽州猶燕鐵翻餅耳殿前都指揮
使呼延贊爭曰書生之言不足盡信此餅難翻承熙竟
趨幽燕卷甲而還卒如贊言唐史

增帝既滅漢欲乘勝取幽薊諸將以師罷餉墮不願行
崔翰獨曰所當乘者勢也不可失者時也取之易帝意

遂決續
資治通鑑

原太宗皇帝自并門乘勝直趨幽燕遼甘心沙漠遯矣

有錫里

舊作教例
今改正

郎君裕悅

舊作于
今改正

者請得五千騎

以嘗王師不成退處未晚從之乃騎持一幟由間道邀

我歸路周環往來晝夜不絕帝疑救兵大至宵歸定州

王氏聞見近錄

按錫里滿州語選拔也舊作敵例今

詳改裕悅舊作于越今對音譯改

補太宗自并幸幽乘遼無備其主方獵適歸牙帳謀棄燕薊以兵守松亭虎北口而已裕悅時為錫里郎君請兵十萬救幽州人夜持兩炬朝舉兩旂選精騎從他道自官軍南席卷而北又先以弱兵五十守幽州望風遁去我師過之不及我師已退或勸襲之裕悅曰受命救幽薊已得之矣不復爭利

江氏雜志

朱昆田原按裕悅之救幽州據王鞏所記止請得

五千騎若如江休復之言既擁十萬師何用人持

兩炬兩旂以為疑兵乎未免自相矛盾矣

臣等謹按遼史百官志裕悅班百僚之上位擬三公錫里司掌皇族軍政而無郎君之官南北院著帳院及各司局郎君又皆無錫里之名惟太宗紀有宗室錫里郎君之文而與裕悅無涉王鞏稱錫里郎君裕悅江休復稱裕悅為錫里郎君皆誤也再考遼史耶律休格傳乾亨元年宋侵燕南京被圍休格代希達將五院軍往救遇大敵於高梁河與耶律色珍分左右翼敗之休格初為特哩袞後

拜裕悅總南面軍務時宋人欲止兒啼乃曰裕悅至矣宋人但聞裕悅之名而不詳其為官名王氏江氏之書輒誤以裕悅為休格之名至以為錫里

郎君則尤傳聞之謬也

按休格舊作休哥今對音譯改希達滿州語門康也

舊作奚底色珍滿州語車也舊作斜軫特哩家古語為首之謂也舊作惕德今俱譯改

增乾亨元年春三月詔北院大王希達伊什王薩哈等以兵戍燕已且漢告宋兵入境丁酉耶律沙等與宋戰于白馬嶺不利冀王迪里及圖魯卜部節度使都敏黃

皮室詳袞唐古皆死之士卒死傷甚衆夏六月劉繼元
降宋漢亡宋主來侵丁卯北院大王希達統軍使蕭托
果伊什王薩哈擊之戰于沙河失利己巳宋主圍南京
秋七月癸未耶律沙等及宋兵戰於高梁河少却休格
色珍橫擊大敗之宋主僅以身免至涿州竊乘驢車遁

去

遼史景宗本紀

按伊什唐古特語智慧也舊作乙
室薩哈滿州語小國也舊作撒合迪里索倫語頭目

也舊作敵烈圖魯卜蒙占語形勢也舊作突呂不唐古
滿州語百數也舊作唐答蕭托果舊作蕭討古托果蒙

古語室也
今俱詳改

臣等謹按遼景宗乾亨元年己卯當宋太宗之太平興國四年其秋七月高粱河之戰癸未甲申宋遼二史干支悉合惟涿州驢車之遁宋史則諱而不書

增九月己卯燕王韓匡嗣為都統南府宰相耶律沙為監軍特里袞休格南院大王色珍權奚王穆濟等各率所部兵南伐冬十月乙丑韓匡嗣與宋兵戰于滿城敗績辛未太保舒蘇與宋兵戰于火山敗之是冬駐蹕南

京

遼史景宗本紀 按穆濟滿州語大麥也舊作抹只舒蘇蒙古語高粱也舊作糊思今俱譯改

增乾亨二年冬十月辛巳將南伐癸未次南京己亥圍瓦橋關十一月庚午朔宋兵夜襲營圍魯卜部節度使蕭幹及四捷軍詳袞耶律赫德戰却之壬寅休格敗宋兵于瓦橋東守將張師引兵出戰休格奮擊敗之戊申宋兵陣于水南休格涉水擊破之追至莫州殺傷甚衆已酉宋兵復來擊之殆盡丙辰班師乙丑還次南京十

二月庚午朔休格拜裕悅大饗軍士

同上 按赫德滿州語渣滓也舊作

痕德今
譯改

原雍熙三年詔曹彬將幽州行營前軍馬步水陸之師
與潘美等北伐敗遼于固安破涿州又與米信破遼于

新城戰于岐溝關我師敗績

東都
事略

增統和元年春正月以裕悅休格為南京留守仍賜南

面行營總管印綬命罕都

舊作懋篤
今改正

特送休格下車勝

以諭燕民壬午涿州刺史安吉奏宋築城河北詔留守

裕悅休格撓之勿令就功

遼史聖宗本紀
州語稍也舊作懋篤

按罕都滿
今譯改

增統和四年宋復來侵其將曹彬米信出雄易取歧溝
涿州陷固安置屯時北南院奚部兵未至休格力寡不
敢出戰設伏林莽絕其糧道曹彬等以糧運不繼退保
白溝月餘復至休格以輕兵薄之伺彼蓐食擊其離伍
單出者且戰且却由是南軍自救不暇結方陣塹地兩
邊而行軍渴乏井澆淖而飲四日始達于涿聞太后軍
至彬等冒雨而遁太后益以銳卒追及之衆悉潰追至

易州

遼史
列傳

補達達劉六符來求關南十縣其書謂太宗并汾之役
舉無名之師直抵燕薊王拱辰作報書云既交石嶺之
鋒逆有薊門之役遂得報
繼好如初 宋仁宗實錄



欽定日下舊聞考卷三

欽定日下舊聞考卷三舉正

自號漫天下原書脫王字今按舊唐書增

上谷賊帥條

薊良鄉潞下原書脫涿字

改大都督下脫為都督

三字今俱按太平寰宇記增

唐武德元年條

節印原書印誤作鉞今改正

朱滔死軍中條

乾寧二年原書誤作乾元元年今按唐書改

敬宗初條

乾化三年正月原書正誤作三今按資治通鑑改尙

道其將條

改天顯十一年六字原書刪 國號大遼號誤作曰

今俱按五代史增改

遼當莊宗
明宗時條

欽定日下舊聞考卷三舉正